




# En dirizan pa parey lezot

**A**pre dernyen konferans-de-pres ki Prezidan Ramkalawan in fer, i evidan pour tou dimoun onnet ki nou prezidan i annan en abilite eksepsyonnel. In demontre pa zis son abilite pour eksprim li dan en fason ki kler me pli enportan se lefe ki i vremen azour avek sa ki pe pase dan son pei. Prezidan pa'n zis reponn keston bann zournalis me in ase saz pour al pli lwen e donn sa pep otan lenformasyon posib lo direksyon ki son gouvrenman pe pran lo bann size ki'n ganny souleve. An gro, Prezidan Ramkalawan in servi sa moman pou vre-

man dyaloge avek nasyon Seselwa. In demontre en o-nivo senserite e lasazes. Son konfidans i demontre ki i vremen an kontrol sitiasyon e ki Sesel i dan bon lanmen.

Nou osi bezwen apre-sye ki Prezidan Ramkalawan i enn bann politisyen pli eksperyanse ki Sesel in deza annan. Tou dilon son parkour politik in demontre en gran sans disiplin e pasyans avan ganny elekte apre en lalit plizyer deseni. In konn mantenir son bann prensip nob menm dan moman tre difisil. Pour sa, i definitivman en dirizan eksepsyonnel; sertenman pa prey lezot!



*En dirizan eksepsyonnel*

## Sesel i anvoy en mesaz for pour lemon



**D**epi ki LDS in pran pouvwar, bokou lanfaz in mete lo proteksyon nou teritwar maritim. In annan plizyer larestasyon sa bann dernyen mwan e gard lakot Sesel in vremen agresiv lo lanmer.

Semenn pase, lakour siprenm in enpoz en kondanasyon 2.5 milyon rroupi kont kaptenn en bato ki ti'n ganny arete e prosekite pour lapes ilegal dan nou zo'n eksklisiv ekonomik. Sa in anvoy en mesaz kler ki Sesel i determinen pour sofgard son bann resours maritim a tou pri.

## Sesel i lo bon semen



*Avyon sorti Larisi i anmenn touris direk Sesel*

**Z**is mazin en ki problem nou ti pou ladan si gouvrenman pa ti'n ouver nou pei avek touris! Zis mazin en ki ti pou'n arive si ti'n napa en program vaksinasyon! Mal-

gre tou distraksyon kree par lopozisyon, Sesel i lo bon semen; laprev ki desizyon gouvrenman ti enn ki bon.

I kler pour tou Seselwa ki prezans touris lo nou bann (kontinyasyon lo paz 2)

# Politik Seselwa vilnerab in ler pou arete

**P**our bokou lannen, sa parti ki ozordi dan lopoziyon ti'n kree dan Sesel en laklas ki zot ti apel vilnerab. An realite, sa ti en laklas ti zot ti kree ekspres pou garanti ki sa bann dimoun i reste depandan lo gouvrenman. Ler ou ti ganny konsidere koman vilnerab, bokou keksoz ti vin fasil. Ou ti ganny priyorite lo lalis lakaz e ou ti ganny refer avek lazans proteksyon sosyal san gran difikilte. Sel keksoz ou ti annan pou fer sete pou demontre ou lwayote anver parti SPPF/US.

La realite se ki bokou sa bann swadizan vilnerab ti ganny donner lakaz ki zot pa ti menm pran zot responsabilite pou repeye. Malgre ki bokou zot ti ankor zenn e kapab travay, personn pa ti ankouraz zot pran en lanplwa pour zot



kapab depan lo zot menm. SPPF/US ti kontan sa sitiasyon. Osi lontan ki ti annan en mazortite Seselwa ki ti depan lo gouvrenman, keksoz ti politikman dan zot faver. Sa sitiasyon pa ti bon pour Sesel.

Si gouvrenman in investi pour fer lakaz pour sitwayen, i bezwen kapab rekiper sa larzan pou kontinyen son program konstrir plis lakaz pour lezot Seselwa ki dan bezwen. La realite i reste ki bokou pa fer en zefor pour repeye senpleman akoz en

latitid «laissez faire». Par egzanp: mannyer ou eksplik aryeraz repeyman lo'n lakaz dan en fanmir kot i annan trwa adilt ki travay?

Pour Sesel avanse e pour gouvrenman kapab kontinyen son program konstrisyon lakaz, i nesese ki tou Seselwa i repey zot lo'n. Pour sa arive, fodre tou Seselwa ki kapab i antre dan en lanplwa. Apre tou, i responsabilite tou endividi pou debout lo son de lipye e sorti dan sa kiltir depandans lo leta.

Lopoziyon i determinen pour kit lespri Seselwa dan en prizon vilnerabilite. I pa dan zot lentere letan tou dimoun i leve, debrouye e sorti anba zot lenfliyan politik e depandans finansyel.


Gouvrenman LDS i rekonnnet ki i pour touzour annan sitwayen ki pour trouv zot dan bann sitiasyon dezavantaze e ki pou bezwen sipor dan en fason ou en lot. I polisi gouvrenman pou sipor tou Seselwa ki, malgre tou zot bon lentansyon, i trouv zot dan bezwen. Sa i osi enkli rod fason pour met zot dan lanplwa kot i nesese.

Avek difikilte ekonomik ki Sesel i ladan, i kler ki devlopman lakaz pou ganny afekte. Gouvrenman pa pour kapab fer otan lakaz ki i ti a swete me gouvrenman pa pe bes lebra. I pe ankouraz sekter prive investi dan devlopman lozman. Sa en linisyativ ki ti komanse par ladministrasyon avan. Otomatikman, bann investiser prive pour bezwen vann ou lwe sa bann lakaz a en pri ki pou permet zot rekiper zot lenvestisman. Dan sa ka pri lozman pou pli ser ki lozman gouvrenman. Sa i dir tousel

Lopoziyon, lo son kote, pe servi sa pour fer son politik malere ek risar e pe deklare ki LDS i en gouvrenman ki sipor zis risar. Zot leker i ankor fermal akoz zot in perdi zot privelez. Anba sistenm SPPF/US, ti annan bann ki ti ganny tou privelez e bann ki malgre zot ti annan mwayen, gouvrenman ti sourd lo zot.

Annou rezouir ki ozordi zour, tou Seselwa i annan menm posibilite e si zannen gouvrenman i azir dan en fason ki pa apopriye anver ou drwa, ou kapab al devan televizyon e ekssprim ou mekontantman. Bann ki'n perdi privelez, les zot mangonnen ziskan ler zot maswar a fermal.

## Sesel i lo bon semen



*Touris in retournen lo nou bann lans*

lans in anmenn en latmosfer normalite dan pei. Travayer dan sa lendistri in retourn travay e tou keksoz pe bouze. Dan tousala i annan en diferans remarkab: i annan plis loportinite pour Seselwa

travay dan sa lendistri la ki gouvrenman in vin pli strikt lo kontrol etranze ki travay dan sa lendistri. Annefe, gouvrenman in kree kondisyon apopriye pour Seselwa rebran kontrol sa lendistri.

I sagrinan ki plis ki 90

Seselwa in perdi zot lavi akoz kovid me sa ki osi frapan se lefikasite vaksen. Tre pe Seselwa ki'n pran vaksen in perdi lavi. La ankor, bann ki'n mor se akoz zot ti annan lezot komplikasyon medikal.

Gouvrenman in kontinyelman pe rod vaksen pou protez sa pep. Nou vremen sanse koman en nasyon pour annan posibilite vaksen tou nou sitwayen e menm konsider en 3-enm doz si nesese. Si nou kapab ankouraz enn nou pros pour vaksinen, sa i ava en sikse pour nou tou ki a garanti ki nou lavi a kapab retourn normal dan en dele letan pli kourt.